

ভালবাসা দিন

মখদুম আজম মার্শরাফী

সহিংসায়,উত্তেজনায়, হে অবোধ তুমি আজ নিজেই সন্মাস,
বাঁচার সংক্ষিপ্ত দিনে এসো দেখি চাষ করি ফুলের সুবাস,
যুদ্ধবাজ খেঁড়ে খোকা গড়ে তোল অর্বাচীন অস্ত্র আনবিক,
ছেড়ে দাও, দূর করি বর্নবাদ, ধর্মঘন্দ..হই মানবিক ।।

প্রজ্ঞা দীপ্ত মানুষের সাম্প্রতিক সৃষ্টির উত্তুঙ্গে শিখরে,
সৃষ্টির সেরা কেন প্রান দাও অহেতুক ধ্বংসের বিবরে?
দিনরাত্রি যুদ্ধ চলে মানুষেরই অন্তঃস্থিত সাধু ও শয়তানে
তবুও প্রেমের শক্তি বাঁধ ভেঙ্গে, ভালবাসা বিপ্লব আনে ।।

তোমার সোনালী চুলে, শ্বেত ত্বকে, নীলোৎপল চোখে
আমার কৃষ্ণপেশী, প্রেমী মন যুথ-বাঁধে বর্ণঘূনা রোখে ।
বসুন্ধরা, স্বর্গভূমি, ত্রিভুবনে যতকিছু আকর্ষন আছে
কিছুই বিজয়ী নয়, বড় নয়, ভালবাসা-মমতার কাছে ।



সবাই এখানে এসো তুলে নেই একটি করে প্রেমের গোলাপ
আলিঙ্গনে বাঁধি সেতু, ভুলে যাই যুদ্ধের প্রমাদ প্রলাপ ।

মখদুম আজম মার্শরাফী, পার্থ, ৩১/০১/২০০৬